

rum bona sub hasta venundentur. Hæc, atque alia hujusmodi foederatorum postulata ægre ab Henrico probabantur; licet enim a catholica religione dissentientes armis persequi statuisset; attamen multa animo obversabantur, quibus difficulter adducebatur, ut Tridentinum concilium reciperet, Inquisitionem institueret, arces foederatis tribueret. Igitur partim cunctando, partim variis edictis hæreticos coercendo, rem extrahere, atque ex tempore firmiora consilia capere nitabatur. Foederati contra suspicione tacti, felicibusque incrementis in Lutetia totaque Gallia erecti, acrius urgent, Sedanum oppidum, irritum licet successu, adoriuntur. Rosnæus, vices Guisii obtinens, multis e suis ab hoste cæsis, quibusdam captis, ad reliquas copias Giametizium circumfidentes se adjungit. Henricus Borbonius, Condæi Princeps, ocyssimo veneno a quodam e suis familiaribus trium horarum spatio est sublatum. Unus e facinoris reis a quatuor equis in divi Joannis Angeli oppido discerptus, meritis poenas luit.

Henricus
Condæus
Princeps
veneno in-
seruit.

Guisius vero, Giametizii obsidione relicta, paucis comitantibus, Lutetiam contendit. Rex, nuntio ejus rei ad se allato, haud parum commotus, Belleurium in Sueffiones obviam mittit, qui, ne Lutetiæ appropinquet, denuntiet; si id facere velit, pro majestatis reo, dissensionumque civilium auctore, Henricum habiturum. Ille, cum ambiguo responso Belleurio dimisso, septem aut octo nobilibus stipatus Lutetiam accedit; ad Reginæ matris ædes se confert; cum ea statim Regem adit; qui, cur se invito, Lutetiam venerit, quærit. Ille, ut quæ a se gesta essent, Regi probaret, venisse, inquit; scorsimque paulisper cum Regina matre collocutus abit. Tum Henricus custodes corporis augeri, præcipua quædam in urbe loca occupari, unum ex singulis domibus arma capere jubet. At fero, Lutetiam in tumultum proclinatam, Guisii adventu populum commotum, animadvertit. Cum nemo paret, inquiri in nonnullorum domos, in auctoresque animadverti præcipit: ea res ad tumultum maturandum, atque aperte plebem concitandam valuit. Momento fere ex ea urbis parte, quam *universitatem* vocant, studentium manus plebi immista confluent, Maubertam plateam occupat. Rumore ex templo per urbem dilapso, Parisienses doliis vineas agunt, via-

Henrici
Regis ad
Guisium
Ducem Lu-
tetie ap-
propinquan-
tem obnun-
tatio.

Guisius
Dux Lute-
tiam ingre-
ditur.

Parisen-
sum tumultus.